



Sarajevo, 07.09.2017. godine  
Broj:01-05-4396/17

**GRADSKO VIJEĆE GRADA SARAJEVA**  
n/r predsjedavajućeg gosp. Igor dr. Gavrić

**PREDMET: Informacija Gradskom vijeću Grada Sarajeva za usmjeravanje  
sredstava Budžeta Grada Sarajevo – Historijski muzej Bosne i Hercegovine**

Poštovani,

Kao što Vam je poznato na posljednjoj 6. sjednici Gradskog vijeća Grada Sarajeva koja je održana 26.07.2017. godine usvojena je Odluka o izmjenama i dopunama budžeta Grada Sarajeva za 2017. godinu, i ista je objavljena 10.08.2017. godine u „Službene novine Kantona Sarajevo“ br.31/17.

Na budžetskoj poziciji 614400 koja je predviđena za Historijski muzej BiH, planirana su sredstva u ukupnom iznosu od 100.000,00 KM, i to 20.000,00 KM - Historijski muzej BiH - Projektna dokumentacija za kompletну sanaciju objekta i 80.000,00 KM - Historijski muzej BiH - Sufinansiranje funkcionisanja i planiranih aktivnosti.

Grad Sarajevo je ova sredstva izdvojio i predložio uz uslov da ista budu realizovana ukoliko se do kraja godine ostvare svi uslovi za zaključenje sporazuma vezanog za preuzimanje finansiranja Historijskog muzeja BiH, a kako je to zamišljeno od strane Ministarstva civilnih poslova BiH koje je zaduženo od strane Vijeća Ministara BiH još 2015. godine.

Kako do danas Sporazum o prenosu osnivačkih prava nije stupio na snagu, ne iz razloga na koji Grad Sarajevo može uticati, nego iz razloga iz nadležnosti Skupštine Kantona Sarajevo, smatramo da se ova sredstva mogu realizovati na način da se usmjere u sanaciju fasade ovog za Grad Sarajevo veoma reprezentativnog objekta. Naime, sama stavka budžeta nosi naziv Historijski muzej BiH - Sufinansiranje funkcionisanja i planiranih aktivnosti, te stoga nema ograničenja u smislu ulaganja Grada, a posebno ako se ima u vidu da je Gradsko vijeće Grada Sarajeva dalo saglasnost na predmetni Sporazum koji do danas nije zaživio.

Uzmemu li u obzir da je zgrada Historijskog muzeja BiH u poslednjih nekoliko godina oronula i da postaje neugleda iako se radi o arhitektonskom zdanju na kome zavide veći i bogatiji gradovi, mišljenja smo da bi Grad Sarajevo u smislu sanacije vanjskog izgleda fasade dao mali doprinos u cilju obogaćenja kako turističkog potencijala za turiste koji posjećuju Grad Sarajevo, a pokazao bi i društvenu odgovornost i samosvjest ka građanima ovog grada.

Nadamo se da će razmotriti ovu informaciju, a gradonačelnik se obavezuje da Gradsko vijeće Grada Sarajeva blagovremeno informiše o svim provedenim aktivnostima.

**Gradonačelnik Grada Sarajeva**

mr. Abdulah Skaka s.r.